

COMUNICÂT STAMPE

SPECIÂL RAI "SUNS 2012/LIET FESTIVAL"

**AI 16 DI ZENÂR AL VA IN ONDE L'APROFONDIMENT SU LIS MUSICHIS
TES LENGHIS DI MINORANCE PE REGJIE DI CLAUDIA BRUGNETTA**

Udin, ai 14 di Zenâr 2013 - Musichis e lenghis di dute Europe a dan vite ogni an a Udin al Festival de cjançon in lenghe minoritarie SUNS.

Miercus ai 16 di Zenâr, aes 21.30 su Rai 3 Bis (cjanâl 103 dal digjitâl terestri) e larà in onde la repliche dal speciâl RAI cu la regjie di Claudia Brugnetta che al met dongje in mieze ore lis imagjinis e dutis lis cjançons dal concerti, lis intervistis ai protagoniscj, lis testimoniancis dai vincidôrs, il backstage e lis curiositâts su musiche e lenghis europeanis mancûl pandudis.

Nassût tal 2009 tant che proget strategjic de ARLeF-Agenzie regionâl pe lenghe furlane cu la organizazion des cooperativis Il Campo e Informazione Friulana, SUNS al è cressût cul timp tai numars e te partecipazion. Te cuarte edizion, davuelte al Palamostre a Novembar, a son stâts premiâts i doi artiscj algherês Claudia Crabuzza e Claudio Gabriel Sanna che, cui furlans Jonokognos (premi dal public), a àn partecipât ae finâl dal plui grant festival european di setôr, il Liet International.

La sigle finâl e je dedicate ae performance dal ospit di onôr, ven a stâi chê di Jens L. Thomsen, cetant origjinâl fondadôr dal grup dai Orka, formazion che e rive des lontanis isulis danesis Fær Øer, e che e à quartât a Udin melodiis cence timp e cence spazi interpretadis di une vôs profonde, miscliçant struments costruîts "in cjase" e musiche eletroniche.